

UNIVERZITET U TUZLI
Broj: 01-110-JN-35/18 LOT 2
Tuzla, 30.04.2019. godine

Na osnovu člana 69. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, po punomoći Rektora Univerziteta u Tuzli broj: 01-5936/17 od 18.09.2017. godine Direktor za ekonomske poslove donio je

ODLUKU O OTKAZIVANJU POSTUPKA JAVNE NABAVKE

Otkazuje se provedeni otvoreni postupak javne nabavke piletine u komadu, rasjeka piletine i proizvoda od pilećeg mesa za potrebe restorana Studentskog centra sa sukcesivnom isporukom do 31.12.2019. godine (LOT 2) zbog drugih dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obrazloženje

Univerzitet u Tuzli pokrenuo je postupak javne nabavke piletine u komadu, rasjeka piletine i proizvoda od pilećeg mesa za potrebe restorana Studentskog centra sa sukcesivnom isporukom do 31.12.2019. godine (LOT 2) s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-110-JN-1/18 od 04.09.2018. godine, objavljenom na portalu javnih nabavki "E-nabavke" broj: 795-1-1-96-3-108/18 od 21.09.2018. godine i ispravke obavještenja broj: 795-1-1-96-8-110/18 od 04.10.2018. godine u Službenom glasniku BiH broj: 67/18 od 28.09.2018. godine i broj: 71/18 od 12.10.2018. godine te web stranici Univerziteta.

U ostavljenom roku ponude su dostavila dva ponuđača „Redex“ d.o.o. Banovići i „Bosna-kom“ d.o.o. Gračanica. Nakon okončane procedure Odlukom broj: 01-110-JN-14/18 LOT 2 od 05.02.2019. godine okvirni sporazum je dodijeljen ponuđaču „Redex“ d.o.o. Banovići. Odabrani ponuđač je na Odluku o izboru blagovremeno uložio žalbu Uredu za razmatranje žalbi BiH. Ured za razmatranje žalbi je svojim Rješenjem broj: JN2-03-07-1-469-9/19 od 28.03.2019. godine odbio žalbu odabranog ponuđača kao nesnovanu.

Nakon prijema Rješenja Ureda za razmatranje žalbi BiH Univerzitet u Tuzli kao ugovorni organ je Okvirni sporazum u predmetnom postupku ponudio odabranom ponuđaču „Redex“ d.o.o. Banovići na zaključenje. Ponuđač „Redex“ d.o.o. Banovići je dana 10.04.2019. godine Univerzitetu u Tuzli dostavio obavijest kojim obavještava ugovorni organ da odustaje od potpisivanja ugovora zbog nemogućnosti isporuke robe po ponuđenim cijenama. Nakon što je prvorangirani ponuđač odustao od zaključivanja ponuđenog okvirnog sporazuma Univerzitet u Tuzli je okvirni sporazum ponudio drugorangiranom ponuđaču „Bosna kom“ d.o.o. Gračanica. U svom aktu Univerzitet je uz dostavu okvirnog sporazuma istom naveo da mu se okvirni sporazum dostavlja u skladu sa odredbom člana 72 stav (3) tačka a). Drugorangirani ponuđač je putem e-maila dana 12.04.2019. godine zatražio dostavu akta o odbijanju potpisivanja okvirnog sporazuma prvorangiranog ponuđača. Univerzitet u Tuzli je drugorangiranom ponuđaču također putem e-maila odgovorio da je prvorangirani ponuđač odbio zaključiti okvirni sporazum zbog nemogućnosti isporuke robe po ponuđenim cijenama. Dana 16.04.2019. godine drugorangirani ponuđač je uputio ugovornom organu akt kojim zahtijeva opozivanje svih zaključenih ugovora u provedenom postupku i poništavanje e-aukcija jer odabrani ponuđač nije u ostavljenom roku dostavio dokaze iz člana 45. i 47. Zakona te zatražio pismeno objašnjenje o navedenom. Ugovorni organ je utvrdio da je prilikom kucanja akta o dostavi okvirnog sporazuma na zaključenje drugorangiranom ponuđaču naveden kao pravni osnov član 72. stav (3) tačka a) umjesto tačke f.) Svojim aktom broj: 01-110-JN-34/18 LOT 2 od 16.04.2019. godine ugovorni organ je obavijestio drugorangiranog ponuđača da je došlo do greške u kucanju te istom dostavio i materijalne dokaze o prijemu zahtijevanih akata putem protokola ugovornog organa te detaljno obrazložio da je prvorangirani ponuđač blagovremeno dostavio sve dokaze zahtijevane tenderskom dokumentacijom i ponovo drugorangiranom ponuđaču dostavio okvirni sporazum na zaključenje i ostavio mu primjeren rok za potpisivanje i vraćanje potpisanih primjeraka. Nakon prijema naprijed nevedenog akta Univerziteta i materijalnih dokaza o tome drugorangirani ponuđač je

putem e-maila ponovo zatražio dostavu pismenog akta o razlozima odbijanja zaključenja okvirnog sporazuma prvorangiranog ponuđača te naveo da isti ne odbija potpisati ugovor po ponudi nego po iznosu nakon provedene e-aukcije.

Obzirom da u ostavljenom roku drugorangirani ponuđač nije potpisao dostavljene okvirne sporazume, a dalje odugovlačenje postupka je besmisleno jer je i Ured za razmatranje žalbi BiH već zauzeo svoj konačan stav po pitanju prihvatljivosti ponuda učesnika to je potrebno predmetni postupak okončati na jedan od načina predviđenih Zakonom. Takođe, ne stoji ni tvrdnja drugorangiranog ponuđača da prvorangirani ponuđač odbija potpisati ugovor u skladu sa uslovima nevedenim u tenderskoj dokumentaciji i svojoj ponudi jer isti odbija zaključiti ugovor nakon provedene e-aukcije. Konačna ponuda oba ponuđača je ona ponuda koja je data nakon okončane e-aukcije, a e-aukcija je planirana tenderskom dokumentacijom i obavještenjem o nabavci. Pozivanjem na ovakvo tumačenje i dodjeljivanjem okvirnog sporazuma učesnicima po cijenama koje su dali u ponudi prije okončane e-aukcije bi predstavljalo kršenje zakona.

Obzirom da je Univerzitet u Tuzli kao ugovorni organ nakon okončane procedure, a u skladu sa Zakonom učesnicima ponudio na zaključivanje Okvirni sporazum iz predmeta nabavke, koji isti u ostavljenom roku nisu potpisali ni vratili Univerzitetu a postupak javne nabavke se mora okončati na jedan od načina definisan članom 69. Zakona to je i odlučeno kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

DOSTAVITI:
1x učesnicima
1x a/a

